

1615

REQUESTE
PRESENTEE
A V ROY,
Par les Députez du Tiers Estat.

M. DC. XV.

*pour Peindre la penallité des officiers
on proposoit d'augmenter les droits des
si gabelles, mais comme le peuple ne voit
s'appeler presque sous la garde du bien Etat
fait des remontrances a ce sujet et propose
de leindre ou diminuer les gabelles
qui seroit en Equivalant pour le roi*

6101

THE NEWBERRY
LIBRARY

Case
F

39

326

16/5 reg 2

[Faint, mostly illegible handwritten text, possibly bleed-through from the reverse side of the page.]

3
*Requête présentée au Roy par les
DéputeZ du Tiers Estat.*

A V R O Y.

S I R E,
Vos tres-humbles & tres-obeïssans subjects
les Députez du Tiers Estat de France, ayans eu
aduis de quelques nouvelles leuées & imposts
tant sur le Sel que sur les Aydes, dont on pro-
pose à vostre Majesté de surcharger cest Or-
dre, pour esteindre la venalité des Offices, re-
quise par tous les Cahiers Generaux, & enco-
re pour payer les Députez des autres Ordres,
contre les formes accoustumées, se sentent o-
bligés par le deuoir de leurs charges & Depu-
tations de vous faire sur ce sujet leurs tres-hū-
bles remonstrances, tant par escript que de vi-
ue voix, & croient que s'ils y manquoient, ce
seroit non seulement abandonner ceux qui leur
ont fié & mis en dépost leurs interests: mais en-
core violer la foy qu'ils doiuent tous au serui-
ce de vostre Majesté, en luy dissimulant le no-
table préjudice qu'elle receuroit en cela par
l'alteration des cœurs, & affection de ses peu-
ples, qui porteroient sans doute impatiem-
ment, voire impuissamment; attendu leurs
miseres & calamitez des-ja extrêmes & lamen-

4
tables, de ne recueillir de l'assemblée des Estats
que des épines au lieu du fruit & soulagement
qui leur en a esté tant de fois promis. Vostre
Majesté, SIRE, iugera ; s'il luy plaist, quelle ap-
parance il y a que la venalité s'abolisse aux des-
pens de son pauvre peuple, & qu'il en recoive
l'incommodité plus grande sans aucun profit
present & sensible, ny ayant rien si veritable
que cet Ordre n'a plus d'interest que les autres
en ladicte abolition, & neantmoins pour vn
Ecclesiastique & Gentilhomme qui enuoyent
aux greniers, il y en a deux mil du Tiers Estat
qui s'y fournissent : De sorte qu'il estimerait ;
& avec raison, auoir esté principalement foulé
& surchargé en ceste assemblée pour l'aduan-
tage & contentement des autres Ordres, quoy
qu'ils se puissent glorifier d'auoir contribué en
toutes occasions autant d'affection qu'eux au
seruice de vostre Majesté, repos & tranquillité
de son Royaume : Mais, SIRE, il y a vn moyen
de remplacer vos parties Casuelles, plein de
Iustice, sur les demandes que les Trois Or-
dres ont fait communément, si bien que nul
aura occasion de s'en plaindre. C'est le re-
tranchement des pensions excessiues accordées
à des personnes de tous les Ordres, Condi-
tions, & Qualitez, à la grande oppression de
vostre Peuple, diminution de vos Finances, &
mescontentement de plusieurs de vos subjets ;
lesquels se sentent moins obligez au seruice de

9
vostre Majesté, voyans les affections & fidelitez des autres mieux recognues & recompensees que les leur. Il y a encores d'autres ménagemens, espargnes, & moyens legitimes, representez par les Cahiers Generaux, dont V. M. peut tirer de grosses sommes de deniers, qui ne seront point trempées dans les larmes de son pauvre peuple; les Deputez duquel ne croyans pouuoir retourner avec honneur & seureté dans les Prouinces, s'ils n'éportent du moins pieces suffisantes pour tesmoigner que la surcharge de cest Ordre, qu'aucuns recherchent; ce semble à dessein, n'est point arriuée par la faute & conuience desdits Deputez. Ils vous supplient tres-humblement, Sire, que comme les Roys vos predecesseurs ont tousjours par leur bonté & Iustice, receu en bonne part les remonstrances & plaintes de leurs subjects, & mesmes leurs oppositions à l'execution des Edits & Declarations obtenues par surprise, il plaise aussi à vostre Majesté agréer ceste tres-humble remonstrance; avec l'opposition desdits Deputez, non pas à l'execution de sa volonté, puis qu'elle n'a encore ordonné lesdictes nouvelles leuees, mais à la réception & entherinement des aduis qui se donnent: & que sur ladicte opposition lesdictes ouuvertures soient réjetrees, comme préjudiciables en effect au service de vostre Majesté, & tendant à la foule de son peuple. Qu'il soit loisible en

outre ausdits Députez de faire enregistrer leur remonstrance au greffe de vostre Conseil, & en retirer acte, pour leur seruir de descharge & iustification, non seulement enuers les villes & communautéz qui les ont enuoyez, mais aussi enuers V. M. laquelle iugera & recognoistra par lesdits éuenemens qu'elle n'a point eu en ceste Assemblée, & n'aura jamais, de plus fidelles subjects & seruiteurs que ceux qui apres s'estre courageusement portez & roidis à la conseruation de sa sacree personne & auctorité, taschent encore de luy conseruer l'amour & bienveillance de ses peuples, lesquels SIRE, prieront continuellement Dieu pour vostre grandeur & prosperité.

Ainsi signé de Loupes, l'un des Deputez de la Senechausée de Tholose, de Boucaut, De Lallim, Geruais Bolacre, député de Nivernois, Salonnier, Député du mesme lieu. Chaseray, Lieutenant general, & député de Gien. Brouffe Député de Perigort. Le Bret, Député de Gisors. Philippes L'oysel. De Porquier, Filere Député du Puy, Thibaut Gascoing & Rapine Deputez de S. Pierre le Moustier, Charon Député de Bergerac. De Combis Député de Comminge, du Broca Député d'Albret, du Roy Député du mesme lieu, de Lauuergne, Hanoing, de Foys, de Long député d'Armagnac, du Mas Député du bas Lymosin, le Roux Député de la Senechausée de Carcassonne & Beziers, de Cham-

feu, de l'Aubespın, Deputez de Bourbonnois.
 Sain Deputé du Bailliage de Touraine. Fou-
 cault President & Maire de Bourges, & Deputé
 du Berry. F. Carcat, l'un des Deputez dudict
 lieu. S. Ferand Deputé de Chastelerault. Da-
 uid l'Espinasse Deputé de Castres en Carcas-
 sonne. Ragueau Deputé du Berry. Anthoine
 de Vion Deputé de Mante & Meulan. Du
 Chastenet Deputé de Limoges, de Fenis De-
 puté du bas Limosin, Germain Deputé de
 Costentin, Sauret Deputé du haut Auvergne,
 Greysolons Deputé de Forests, Vuilecot De-
 puté de Boulongne. B. Angenoust Deputé de
 Sens, le Noble Deputé de Troyes. L. de Ver-
 tus Deputé de Chasteau-Thierry. Monteilh de-
 puté du haut Auvergne, de l'Isle, l'un des de-
 putez des Chastellenies Royales & non Roy-
 alles du Duché d'Orleans. Rollet deputé de
 Vitry. Chalemot deputé de Meaux. Retel de-
 puté de Prouins. De Odeau & Rousseau de-
 putés d'Amboise. Reimont deputé de la basse
 Marche, de Murat deputé du bas Auvergne.
 Masson deputé des Estats de Dauphiné. Meric
 deputé du Conté pays & senechaussée de Foix.
 Ribier deputé de Bloys, de la Goute deputé de
 la Rochelle, de Cordes deputé de Limoges.
 Arnaut deputé de Poictou, de Long deputé de
 Riuere. Verdun Riuac deputé de Forest, La-
 nier & Mesnil deputez d'Anjou. Couppé de-
 puté de Dreux, Guerin deputé de Rouergue,

de Montier deputé de Senlis. I. Chanaille deputé d'Vsarche. Pouchalan, deputé de Condom & Gascongne, Petault deputé d'Estampes, le Beau deputé de Nemours.

Ceste requeste a esté presentee au Roy par le sieur Philbert, Lieutenant General de Blois, assisté de tous les susdits: apres qu'il eut de vive voix fait à sa Majesté les remonstrances sur le mesme subiect: A quoy sa Majesté fit réponse en ces mots: *Je veux soulager mon Peuple autant qu'il me sera possible: Je vous ay fort bien entendu: I'en communiqueray à la Royne ma Mere, & à mon Conseil.* La Royne apres prist la parole, & dit ausdits Deputez, *Qu'ils estoient gens bien incommodex, c'est pourquoy ils se pouvoient retirer.*